



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3118/12
Sarajevo, 10.9.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12.09.2013			
Organizaciona jedinica	Klasifikaciona oznaka	Redni broj	Broj priloga
02-50-6-16-21/12			

PARLAMENTARNA SKUPŠTINA BiH

- Dom naroda -

SARAJEVO

PREDMET: Odgovor na izaslanička pitanja – dostavlja se

Vijeće ministara Bosne i Hercegovine, na 61. sjednici održanoj 29.8.2013. godine, utvrdilo je Odgovor na izaslanička pitanja koja je postavio Krunoslav Vrdoljak, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja izaslaniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3118/12
Sarajevo, 29.8.2013. godine

Dom naroda Parlamentarne skupštine Bosne i Hercegovine, aktom broj: 02-50-6-16-21/12 od 24.10.2012. godine, zatražio je od Vijeća ministara Bosne i Hercegovine davanje odgovora na pitanja koja je delegat Krunoslav Vrdoljak, postavio na 21. sjednici ovog Doma. Delegatska pitanja glase:

1. Da li je Vijeće ministara preko Ministarstva vanjske trgovine i ekonomskih odnosa, odnosno Odjeljenja za okoliš koje se nalazi u sastavu Ministarstva upoznato sa ovim projektom (Gornji horizonti)?
2. Da li je ijedno mjerodavno tijelo na državnoj razini radilo ocjenu projekta i dalo ikakvu ocjenu istog?
3. Ako nije, da li Vijeće ministara ima namjeru poduzeti ikakvu aktivnost kojom bi se definisao status projekta Gornji horizonti u smislu njegove ekonomske isplativosti i njegove štetnosti po okoliš, posebice u slivu i delti rijeke Neretve?“

Na postavljena delegatska pitanja, Vijeće ministara Bosne i Hercegovine je na 61. sjednici održanoj 29.08.2013. godine, utvrdilo sljedeći

ODGOVOR

Ministarstvo vanjske trgovine i ekonomskih odnosa BiH prati aktivnosti vezane za ovaj projekat. Međutim, postojećim zakonodavstvom u BiH nije definisano nijedno mjerodavno tijelo na državnom nivou koje bi bilo obavezno izvršiti ocjenu projekta i o tome informisati Vijeće ministara Bosne i Hercegovine.

Važećim zakonodavstvom u Bosni i Hercegovini je jasno definisano čiji je zadatak donošenje studije uticaja na okoliš, te je jasno propisana i procedura odobravanja i prihvatanja iste. Iz navedenog slijedi da je u slučaju pripreme dokumentacije za HE Dabar kao dijela hidroenergetskog projekta Gornji Horizonti nadležno Ministarstvo za prostorno uređenje, građevinarstvo i ekologiju RS, tako da nijedno tijelo na nivou Bosne i Hercegovine nije radilo ocjenu projekta i dalo ocjenu istog.

Gornji horizonti su višenamjenski projekat gradnje energetske kapaciteta, vještačkih akumulacija i sistema tunela kojima bi se vode sa sjevera Hercegovine prevodile u sliv rijeke Trebišnjice. Ugovor o koncesiji za izgradnju HE „Dabar“, zaključen je u ljeto 2011. godine. Ministarstvo za prostorno uređenje, građevinarstvo i ekologiju RS, kao nadležna institucija, je u skladu sa Zakonom o zaštiti životne sredine RS („Službeni glasnik RS“, br.28/07), provodilo proceduru i dana 07.08.2012. godine donijelo rješenje o prihvatanju Studije uticaja na okoliš.

Napominjemo da je Federalno ministarstvo okoliša i turizma pokrenulo upravni spor podnošenjem tužbe Okružnom sudu u Banja Luci nad predmetnim rješenjem i dalji tok aktivnosti zavisice od odluke nadležnog suda.